

Samningur

mennta- og menningarmálaráðuneytis við Skátafélagið Heiðabúar

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Skátafélagið Heiðabúar, kt. 460279-0899, í samningi þessum nefnt SKH, gera með sér svofelldan samning.

1. Markmið og verkefni

- 1.1. Ríkisstjórn Íslands hefur ákveðið að styðja tímabundið við náms- og ráðgjafafúrræði á Suðurnesjum vegna vaxandi atvinnuleysis á svæðinu. Markmið aðgerðanna eru að:
 - tryggja aðgengi að námi á öllum skólastigum og auðvelda íbúum þannig að byggja upp hæfni til framtíðar.
 - tryggja þátttöku barna og ungmenna í frístunda-, tómstunda- og íþróttastarfi yfir sumartímann.
 - leggja sérstaka áherslu á hæfniþróun og íslenskunám útlendinga, sem eru skv. greiningu Vinnumálastofnunar, stór hluti atvinnuleitenda á svæðinu.
- 1.2. Verkefnið byggir á niðurstöðum aðgerðahóps sem stofnaður var í kjölfar fundar mennta- og menningarmálaráðherra með íbúum Suðurnesja í Reykjanesbæ 2. apríl 2019.
 - Verkefnið er að bjóða upp á námskeið um kofabyggð og kassabílagarð þar sem börn á aldrinum 7 – 12 ára smíða úr timbri undir leiðsögn.
 - Framkvæmdatími er júní, júlí og ágúst 2019.
 - Sérmarkmið verkefnis er að stuðla að uppbyggjandi og skapandi aðstöðu þar sem þátttakendur geta unnið að verkefnum með jafnöldrum undir leiðsögn.
 - Lágmarksfjöldi þátttakenda er 50.

2. Forsendur sammings og lagaheimildir

- 2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015.
- 2.2. Framlag ráðuneytisins til sammings þessa er kr. 2.000.000,-. Ekki er gert ráð fyrir þáttökugjöldum í verkefnið.
- 2.3. Fjárhagsleg ábyrgð ríkisins vegna verkefnisins takmarkast við þær fjárhæðir sem eru í samningnum.
- 2.4. SKH starfar í samræmi við lög og reglugerðir sem gilda um umsamda starfsemi og verkefni.

3. Ábyrgð

- 3.1. SKH ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. SKH skal geta lagt fram gögn og skýrslur þessu til staðfestingar, sé eftir því leitað.
- 3.2. SKH ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. SKH er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um sammingsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir framlag í tveimur hlutum, 70% er greitt við undirritun samningsins og 30% þegar staðfesting liggur fyrir á að verkefnið hafði staðist skilyrði styrkveitingar. Greitt er inn á bankareikning í viðskiptabanka SKH nr. 121-26-000040.
- 4.2. Eigi SKH í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Við lok verkefnis skilar SKH ráðuneytinu samantekt á verkefninu sem felur m.a. í sér lýsingu á hvernig markmiðum verkefnis var náð, ásamt tölum um fjölda námskeiða, fjölda þátttakenda og kennitölum þeirra, heildarkostnaði, mati framkvæmdaraðila á árangri og hvert yfirfærslugildi verkefnisins geti verið.
- 5.3. SKH skilar ráðuneytinu upplýsingum sem það kallar eftir vegna opinberrar upplýsingagjafar.
- 5.4. SKH veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.

6. Vanefndir og meðferð ágreinings

- 6.1. SKH tilkynnir ráðuneytinu tafarlaust ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli SKH ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. júní 2019 til 31. ágúst 2019.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík 26. júní 2019



Mennta- og menningarmálaráðherra



F. h. Skátafélagsins Heiðarþúar